

27 Augustus 1566.

*Lettre missive du Prince d'Orange à Son Altèze en date
le 27 d'Aougst 1566.*

MADAME,

Estant arrivé en ceste ville, ay trouvé les choses fort perplexes : néantmoins, j'espère et feray tous devoirs possibles que les églises scandalizées et pillées seront restituées, à l'honneur de Dieu, sainte intention de Sa Majesté, Vostre Altèze et la mienne, si avant qu'il sera en mon pouvoir. Suyvant que Vostre Altèze m'a commandé, j'ay parlé au Seigneur de Stralen, pour tenir prest argent à payer les bendes d'ordonnances : il m'a dict desjà avoir quelques deniers, comme plus amplement il en a escript au Seigneur de Grobbendonck, lequel, ne me doute, en aurat faict rapport à Vostre Altèze, auquel me remectray pour briefveté, attendant s'il plaist à Vostre Altèze que je face vers luy quelque aultre office. Sur ce, Madame, baisant très-humblement les mains d'icelle, prie Dieu la conserver en santé, bonne et longue vie.

D'Anvers, le XXVII^e jour d'Aougst 1566.

Collationnée à l'autenticque copie, est trouvée
accorder par moy,

A. GRAPHEUS. (2)

(1) Aangehaald D. X, blz. 143.

(2) Aangehaald D. X, blz. 144. Zie GACHARD, *Op. cit.* T. II, p. 197.